

榆次縣志

卷六

田賦

河渠

卷七

風俗

古蹟

榆次縣志卷之六

田賦 戶口丁則驛馬積儲附一

定墾田數

縣中之田凡實在成熟地租賦所出者共八千七百有八頃零八畝四分一釐五毫

上地 凡有陂渠灌溉近河水者爲上地共八百六十五頃八十三畝五分八釐六毫其地東鄉十分之二西鄉十分之五南鄉十分之三北鄉十分之一

中地 凡原隰平衍稍遠水者爲中地共二千七百二十八頃七十四畝五分七釐二毫其地東南鄉十分

榆次縣志

卷六

田賦

一

之二西北鄉十分之三

下地 凡汚邪卑薄者爲下地共四千九百五十二頃七十九畝四分六釐東鄉十分之四西鄉十分之二南鄉十分之二北鄉十分之三

上中下地外爲沙地礲确瘠微之地也共一百六十頃七十畝七分九釐七毫其地東南北鄉俱十分之三西鄉十分之一

順治中熟地八千五百四十三頃二十八畝八分三釐四毫康熙十六年檢括隱漏縣田實在者凡八千七百二頃四十三畝三分六釐八毫歷雍正中及乾

隆九年民人首墾田五頃六十五畝四釐七毫合前
共得成熟地八千七百八頃八畝四分一釐五毫田
是荒蕪悉墾片壤俱陞科矣

按水平沙灘四等乃隆慶中知縣邢公鳳毛丈定
屯田 共地三百四頃五畝九分零明制領於軍衛

國朝雍正五年裁衛所歸縣而屯田之名仍舊按上
中下三則陞科其租糧屯頭於春秋一季自送大盈
倉交納焉

更名田 明晉藩諸王遺產也在縣之上營張慶郝莊
五福營甯家營黑馬營諸村地凡一百二十六頃二

榆次縣志

卷六

田賦

二

十七畝九分五釐二毫國朝順治七年設山西滿
洲駐防乃圈陽曲民地以與滿兵而以更名田五十
三頃八十八畝四分四釐一毫撥償陽曲之民有田
被圈者其租徵於地戶官爲之關解陽曲其餘存田
地一百七十二頃三十九畝五分一釐其租糧亦地
戶自納於大盈倉

開墾地畝 明晉藩諸王墳園府第廢址也 國朝康
熙十八年清理得荒地一頃二十八畝七分一釐九
毫其租糧亦地戶自送納於大盈倉

賦額

凡上地每畝徵糧九升三合內本色糧五合一勺四撮
七圭七粒二粟折色糧八升七合八勺九抄五撮二
圭二粒八粟地畝九釐站銀三項每畝共徵銀九分
四釐三毫零

凡中地每畝徵糧七升一合內徵本色糧三合九勺四
抄九撮四圭八粒三粟折色糧六升七合五抄五圭
二粒七粟地畝九釐站銀三項每畝共徵銀七分四
釐九絲令

凡下地每畝徵糧二升四合九勺內徵本色糧一合三
勺六抄三撮四圭二粒九粟折色糧二升二合五勺

榆次縣志

卷六

田賦

三

三抄六撮五圭七粒一粟地畝九釐站銀三項每畝
共徵銀三分一釐八毫零

凡沙灘瘠地每畝徵糧二升七勺三抄內徵本色糧一
合三勺六抄四撮九圭五粒五粟折色糧一升九合
三勺六抄五撮四粒五粟地畝九釐站銀三項每畝
共徵銀二分七釐七毫零

以上上中下沙四等之地各派科則不等乾隆三年
以匠價銀項攤入地糧徵收歲徵銀四萬五千三百
三兩三錢九分八釐徵本色糧二千一百九十五石
八斗六升八合六勺餘

戶口丁則附

戶口 乾隆十三年戶凡四萬九千九百八十男女大口十四萬二千九百五十六童小黃口十二萬一千八百四十五同治元年戶四萬二千六百三十二男女大口二十一萬一千六百二十八童小黃口六萬四千六百七十

丁則 康熙二十三年編審共六萬二千八百七十六丁見志劉乾隆十三年六萬三千三百二十七丁同治元年仍舊

上上則無

榆次縣志

卷六

戶口丁則附

四

上中則每丁徵銀一兩六錢五分三釐四絲

上下則每丁徵銀一兩四錢四分六釐四毫一絲

中上則每丁徵銀一兩二錢三分九釐七毫八絲

中中則每丁徵銀一兩三分二釐一毫五絲

中下則每丁徵銀八錢二分六釐五毫二絲

下上則每丁徵銀六錢一分九釐八毫九絲

下中則每丁徵銀四錢一分三釐二毫六絲

下下則每丁徵銀二錢六釐六毫五絲

平下則每丁徵銀一錢三釐三毫二絲五忽

其丁差除優免外實徵均徭銀共一萬四千六百二十

二兩一錢九分八釐零 地差銀三百二十七兩八錢三分六釐

合田賦丁差地差匠價歲共徵銀六萬二百五十三兩四錢三分二釐耗羨銀七千七百九十六兩四錢四分二釐徵改折豆價銀二十兩三錢五分三釐

徵本色米三千三百七十石一斗四升三合八勺本色豆二百八十一石四斗六升四合八勺嘉慶年奉文改徵豆十七石八斗五升四合五勺折價銀三十兩三錢五分三釐實徵豆二百六十三石六斗一升三勺

榆次縣志

卷六

戶口丁則附

五

存解額數

每歲解布政司地丁銀及解翼甯道鳴謙驛馬匹草豆銀解太原府絲絹銀共起運者五萬八千五百一十九兩六錢四分七釐零
每歲仔留縣庫官俸役食雜支等銀共一千七百三十三兩七錢八分五釐

鹽法

榆次舊額鹽引三千四百五十三張徵銀二十七百八十八兩零康熙二十八年每引減銀七分共減二百四十一兩七錢一分共解銀二工三百八十四兩九

錢一分零雍正十三年奉文每兩加平餘二分五釐
共加銀三十四兩六錢二分零解銀一千四百十九
兩五錢三分六釐乾隆十二年部議於太原汾州及
遼沁平定忻代保德六州加鹽引四萬迫榆次計當
派引二千二百餘勢莫能銷必攤派里戶知縣徐玉
田知民且重困事不可行力爲詳覆得免加引今解
銀一千四百十九兩五錢零如雍正中舊例云
一稅課

凡商當房田才帖酒課牲畜煤窰與雜稅等每歲徵解
約共二千兩上下其間或盈或縮無常定畫一之數

榆次縣志

卷六

驛站馬匹附

六

驛站馬匹附

鳴謙驛原設驛馬九十匹後經裁減留馬六十九匹乾
隆四十三年除撥協濟王胡馬外現存馬四十四匹每
匹日支銀九分七釐三毫共草乾等項銀一千三百
五十兩零馬夫二十名每名日支銀三分五釐共工
食銀二百二十兩零廠夫九十名每名日支工食銀
二分七釐六毫三絲通年共銀八百八十兩零

王胡驛乾隆四十三年設由鳴謙驛及北路靈邱山陰
等廳縣撥協馬七十七匹每匹日支銀九分二釐九
毫三絲共草乾等項銀二千四百十兩零馬天三十

八名半每名日支銀三分五釐共工食銀四百四十兩零

積儲附

常平倉原額穀二萬六千石除照定額動缺孤貧軍流犯口糧穀四千五百一十一石三斗二合三勺五抄七撮咸豐十年民借未還穀三千五百九十二石五斗現存穀一萬七千八百九十六石一斗七升七合六勺四抄二撮
社倉穀共六千八十七石五斗二升在城內與東陽西長甯龍白四處分儲

榆次縣志

卷六

積儲附

七

義倉穀共四千七百三十五石五斗在城內與八達北田張慶鳴謙上黃彩六處分儲

籍田五畝並城壕地二十畝零每年徵租八石八斗三升除祭祀穀一石四斗五升至五年照時估糶售一次銀解藩司

學田地凡十七頃八十一畝三分七釐五毫四絲散在縣四鄉四十餘處每畝徵京倉斗穀三升七合九勺六抄二撮餘共徵穀六十七石六斗二升五合五勺半給廩生半給貧生至其田之自起則遠不可考云
養濟院孤貧三十四名每名日領京倉升穀一升六合

六勺六抄六撮至冬至後領冬衣花布銀三十二兩
零九分六釐

榆次縣志

卷六

積儲附

八

榆次縣志卷之六

河渠 堤堰附

縣水惟洞渦為大澗河次之洞渦在縣南澗河在縣北今志諸渠以引洞渦者為南渠而金水牛坑諸渠附焉引澗河者為北渠而寺峪東溝諸渠附焉

南渠

萬春渠 渠口在縣東少南三里許大東關地界元至正二十二年民劉時敏等開引洞渦水自白家厓西流上為大渠一下分小渠者三灌李村邱家小堡即今

近城 郝家堡即今郭家堡 榮村高村韓村小趙西榮四營

榆次縣志

卷六

河渠

一

六堡地凡一百二十有餘頃明成化間渠淤宏治十一年渠長郭志端劉文質等乃於萬春渠北一里許別穿渠是為官甲口渠諸村以次輪灌後郭家堡爭水利李村人復疏白家厓以復萬春之舊然所灌止及本村與邱家堡地三十餘頃自是萬春官甲分為兩大渠若其使水成例則一云今萬春渠灌地五十餘頃

按明成化中孫昌碑記萬春所灌止南關小堡李村郝家堡榮村高村其西榮諸村則萬曆二十七年始入例者其三小渠李村一渠邱家堡城南關

一渠郭家堡並四營六村共一渠此一渠當時已名官甲口在西關之西三里雙橋爲三渠分水處後開新渠即以官甲爲名仍在雙橋分水

官甲口渠 在縣東少南二里半許大東關地界渠初灌李村邱家堡郭家堡榮村高村韓村小趙西榮四營六堡諸村地自李村復開萬春渠而官甲渠止灌四營七村地二百六十餘頃郭家堡藉四營官地之名擅水經年四營者東營西營南營中營皆明晉王屯地總營名村上萬歷三十二年知縣史記事定四營水程每季使水一十八日由是郭家堡始不得爭而六

村均受其利至萬歷四十年知縣趙昌運又因各渠爭水爲定程例每年至三月二十一日起本渠四營用水九日畢七村用水八日張慶等渠照地用水十三日訖自後每月四營用水四日半七村用水十二日半七渠用水十三日夏秋皆然著爲定例其後復有紛出告添水程者而成規遂變崇禎十四年知縣張國樞盡毀新立告添水程之碑仍照萬歷中趙昌運所定成例使不得紊亂後小東關渠王村橙槽渠相繼入例萬春官甲二渠勢居上流村多地廣定水一十七程以下王村四程楊村一程半張慶四程永

康一程半演武一程半懷仁一程半王郝一程半小東關渠一程半每年三月二十一日子時起程以二十四日爲一週周而復始及國朝乾隆五年中郝渠重開續使水一程半更期三月二十日子時起程以三十五日半爲一週夏至後渾水漲發任各渠修築引灌不分程限

小東關渠 在縣東南三里大東關地界明萬曆二十七年民李汴等開引洞渦水灌地十五頃

中郝渠 在縣東南七里明萬曆十四年民桑菲等開灌田二頃已久淤 國朝乾隆五年民郝覺等重開

榆次縣志

卷六

河渠

三

引洞渦水灌中郝東郝地二十頃方開渠時萬春渠長撓之致訟知縣錢標令萬春等渠於三月二十日起程俟十渠灌畢三十四日之後中郝渠使水一程半以三十五日半爲一週夏秋之間渾水亦得分用霜降使秋水二程永爲例道光二十年郝連達等與郭家堡渠長郭大明等爭水控於撫憲委太原府堂訊斷令郭家堡渠永不準賣水兩造各具甘結渠碑在城隍廟內

永春渠 在縣東南三十里長甯村元至正二年民范濫等開灌東西長甯八達三村地三十餘頃共渠四

道後三道開於明嘉靖中

王村渠 在縣東少南三里大東關地界元至正二年
民范履道等開引洞渦水灌本村及張超村橙槽渠
地三十九頃九十二畝本渠使水一程半橙槽渠例
亦在本渠之內使水二程半橙槽渠作於明嘉靖間
天啓初重修 國朝順治六年知縣楊三知酌復使
水舊例詳張養碑記

楊村渠 在縣南八里王村地界明萬曆元年民張廷
益等開引洞渦水灌本村及南谷寇村郝莊王家堡
黑馬營甯家營地一百二十四頃灌畢入太原橫河

榆次縣志

卷六

河渠

四

渠灌橫河村地四頃五十畝橫河村渠於 國朝乾
隆十一年始入例

張慶渠 在縣南八里王村地界元至正二年民張旺
等開引洞澗水灌本村及大小張義村甯家營東賈
村地一百九十頃 褚志止灌本村及張義地五十餘頃 及太原橫河村
地十四頃橫河村於 國朝乾隆十一年入例

永康渠 在縣南八里王村地界元中統四年民郝信
等開灌地一百頃餘

永康舊渠 褚志載明萬曆三十二年民張第等開灌
弓村地二十六頃卽永康老渠所分今廢

演武渠 在縣南八里王村地界元中統元年民李公林等開灌地三十餘頃

懷仁渠 在縣西南十二里王村地界元中統元年民王可道等開灌本村及西長壽地三十五頃懷仁與演武二渠各使水一程半明時晉藩有桑宅地在演武界中凡使水必先灌此地後及二渠至 國朝雍正七年懷仁村人以現在已屬民地其演武村不得仍如舊例致使水不均訟之官知縣鄒雙斷以時日爲限演武使水爲時二十一計不得滿二日懷仁使水爲時十五計一日餘仍刻斷限於石乾隆壬寅年

榆次縣志

卷六

河渠

五

貢生胡光地等因渠路經演武村中每多壅塞遂與西長壽村人於演武村南別開新渠水程依舊

王郝渠 在縣西南二十里懷仁村地界金皇統元年民郝守道等開灌田二十頃水程見官甲口渠下有國朝雍正年碑記存縣城隍廟

西長壽渠 在縣西南十五里本村地界乾隆十年民彭基等新開灌地一十有六頃接水至演武村南有河租

陳胡渠 在縣西南十五里西長壽地界褚志有陳胡渠元中統間民王文郁等開然非此渠也本村人稱

此爲陳胡南渠亦開於中統四年渠久廢褚志亦未載 國朝雍正九年民張漢宰等重開之引洞渦水灌本村及遠村白村地凡六十頃有餘

六善渠 此卽褚志所載之陳胡渠也亦在縣西南十五里西長壽地界康熙五十年河漲渠壞至雍正八年知縣石鑑重開乃更名六善渠其引水絕遠歷由長壽陳侃褚村陳胡方至六村地其所灌者述巴北胡喬胡喬營西胡喬及徐溝縣之王方村靳村良隆村地凡百餘頃

北胡喬渠 褚志載明萬曆二十六年民賈弼等開灌本村及陳胡地十餘頃今廢

義和渠 在縣西南三十里西胡喬村咸豐五年霍常貴等開

弓村渠 在縣西南二十里乾隆年開

小張義三村渠 在縣西南馬村地界乾隆四十七年小張義村人牛似龍等奉農中丞命與郃村西賈夥開拈定水程每月一週小張義自初一日起至初十日亥時止郃村自十一日起至二十日亥時止西賈自二十一日起至三十日亥時止每逢小建各使水九天零八時週而復始

太原辛村渠 在縣西南二十里馬村地界接水明正德十年民牛志春等開灌本村地一百二十頃

西河堡渠 在縣西南三十餘里明嘉靖四十年民范廷佑郝天濟等所開在弓村西引水由永康鎮經過入本堡灌地三十餘頃後因去河既遠難於接水萬曆中重開自馬村地界引水今灌地七十餘頃

西河堡新渠 褚志載明萬曆二十五年知縣王應楫諭民郝天甫等開灌本村地三十餘頃今廢

郝村嘉平渠 在縣西南二十五里史家莊地界明嘉靖三十五年民丁文仲等開後湮廢 國朝乾隆十

榆次縣志

卷六

河渠

七

年復開灌本村地十餘頃

常安渠 在縣西南三十里北胡喬地界開於明洪武八年渠起榆次之郝村引河水灌溉太原徐溝兩縣諸村猶被其利久而渠淤萬曆十二年郝村人與太原之北格村協力重開分程灌地後更通塞不常 國朝雍正八年郝村人獨濬之而張花北格兩村爭水利雍正十二年太原榆次兩縣因共立水程令郝村張花各使水十一日北格使水八日每月一週且刻石以示永久使人遵守焉渠向於王郝村南引水後河流遷徙雍正八年民人穆謹丁宏澤等重開乃

於北胡喬村南引洞渦注之

上戈渠 褚志載明萬曆三十二年民胡鸞等開灌上

戈東趙地七頃四十六畝

南要新渠 褚志載明萬曆三十二年民郭珍等開灌

本都郭村地十五頃今廢

以上諸渠皆引洞渦水

東陽渠 在縣東陽鎮渠口在任村南明萬曆四十五年知縣劉似鼈使渠長畢良張文華水甲趙希尹等開引金水河爲上流第一道接水於東南越郭訓彭村丁里引水而西十餘里始至東陽地分爲南北中

榆次縣志

卷六

河渠

八

三渠地高渠下非築堰隔河截流入渠不能使水

國朝康熙九年西陽因濬渠與王都村爭訟不息官斷水程立石惟東陽渠許截流引灌餘不得二例云齊人奇東陽渠碑云河自射母東注去鎮僅數百步從高而下迅如建瓴積漲衝齧堡壁潰陷約三十丈許居人惶駭侯躬臨視心揆手畫經丁里上下改導河流穿濬成渠溉田數十頃巨害所脫便爲永例

按東陽渠所必書者乃劉志無之特採齊碑以著其績

西陽渠 在郭訓村南明萬曆三十一年民杜廷器等

開後淤 國朝康熙九年民杜應昇等重開灌西陽
西白褚村地今無褚村水程止灌西陽地四頃餘西
白地三十頃餘

王都渠 在東陽堡北明萬曆三十二年民王天雲等

開褚志云引小河水即洞灌陳胡遠村等六村地百

餘頃此水過金水渠而後可至應灌之地如二水並
發則合流均灌一水獨發則塞一渠口使不至相礙
今小河水渠久已淤絕所引灌者惟金水後六村中
白村別開一渠要村與遠村巴志又別開渠惟陳胡
與王都仍爲一渠今又無陳胡水程王都遂獨爲一

榆次縣志

卷六

河渠

九

渠灌地六十餘頃

要村渠 在東陽堡北明嘉靖四十年民楊文卿等開
引金水河灌本村及王都褚村陳胡地十餘頃後王
都別開渠陳胡附之褚村則附西陽使水要村渠遂
與遠村巴志同分水程今又止合巴志無遠村矣要
村灌地三十餘頃巴志灌地十餘頃

德音渠 在東陽堡北明萬曆二十六年民楊廷仁等

開褚志引金水灌本村及巴志地十五頃後巴志附

要村渠德音遂自爲一渠灌地二十八頃

以上引金水河金水舊有九渠自五渠外有車輞

南渠萬曆二十一年民劉思元等開車輞北渠亦萬曆二十一年民王立等開白村渠則 國朝康熙九年民郭廷良等開北席渠亦康熙九年石尚立等開今並廢

公順渠 在南莊村東咸豐元年里人呂萬成武文德等因舊渠壅塞移步復開引象峪水灌地四十餘頃南要渠 在縣西南十五里明萬曆十年民常彥辰等開引牛坑水分渠二道上渠灌北要下渠則北要郭村兼之褚志灌地五頃今如故

雙村渠 在縣南十八里萬曆三十一年民趙唐等開

榆次縣志

卷六

河渠

十

引杜堡溝水一名牛耕渠分爲南北二道南渠灌本村及小趙王香等地共二十五頃北渠灌本村及南要修文村地共三十餘頃兩渠各半月分程

東長壽渠 在縣西南十五里東長壽村萬曆十四年民李定等開褚志謂引牛坑水者誤南要渠引牛坑水在北長壽渠在南不相通渠口有溝東達雙村之南舊有水泉今涸

圪塔溝渠 此溝無源起自縣之西窪村迤邐四十里皆地高渠下由太谷之大郭遞至縣之魏業聖許等村地勢平衍與溝略等故大郭村旁分支渠以爲灌

溉次爲西卜村東渠又次爲西卜村西渠神堂溝渠
魏業田家渠最西而下又分爲聖許村之南北兩渠
每旬上五日大郭等村灌下五日魏業等村灌
以上引牛坑杜堡溝諸水

北渠

聶店渠 在聶店村北明宣德七年民胡敦等開今謂
之中渠灌本村地四頃五十畝又有上下二渠並萬
曆三十八年民寇樸等開各灌本村地二頃

使趙渠 在聶店村西北元至正二年民閻子雲開故
又名閻家渠引澗河水自聶村西流灌溉嘉靖間二

榆次縣志

卷六

河渠

十一

村爭水民閻福興至訟於朝渠遂壅萬曆二十六年
知縣張鶴騰令使趙村民趙國寶等復開爲聶村別
開一渠上使趙數十步後使趙不樂與聶村別開乃
與西聶村龍田村開洪水上渠此渠遂爲聶村渠有
天雄胡村諸溝水並入此渠褚志溉田四十頃今灌
地二十餘頃

聶村渠 詳見使趙渠下

按前志於使趙渠下注今仍爲聶村渠於聶村渠
下注萬曆二十六年知縣張鶴騰別開者今廢檢
閱褚志載係二渠前志不爲無據然考聶村歷年

河碑從無別開一渠之說即相度地勢渠東西有古剝二所俱建自有明以前中間爲地無多並無渠路遺迹且張公督使趙村民趙國寶等與聶村別開一渠在萬曆二十六年洪水上渠趙國寶等於二十八年開成既挑壅塞之舊渠復與聶村開新渠更與聶村田村開洪水渠三役頻興力何以及意聶村使趙村興訟時張公斷案若斯而使趙村人以爲與其獨開二渠何如夥開一渠勢力既眾程功自易且較舊渠道里近而且順故雖有案其實未遵而斯時適修縣志照案載八不料後之

榆次縣志

卷六

河渠

十一

不遵也前志循舊志之文末由查訪渠蹟故以今廢二字結局耳用書此以釋疑團

張家洪水渠 在鳴謙東南三里許康熙四十年武生張元宗開引澗河水灌地三頃餘又渠北數武先有清水渠順治十四年武舉張和開引河旁泉水亦灌此地

洪水上渠 在聶村北萬曆二十八年民齊公志于宗道趙國寶等開引澗河水灌聶村田村趙村地三十餘頃

洪水下渠 在上渠西二里亦萬曆二十八年民馬廷

貴王崇信等開引澗河水灌使趙侯方地四十頃
使張渠 在使張村東北明萬曆三十二年民李春等
開使張村先有西渠後西渠塞至是春等乃開東渠
國朝康熙十九年生員賈世讓等復疏西渠引水及五
十九年東渠口塌民韓國卿等移渠口於東百餘步
許今西渠灌地一十八頃東渠灌地一十五頃
鳴李渠 在村東北明洪武二年民劉廷儀等開引澗
河水褚志灌地六頃今灌鳴李楊盤六堡等村地三
十餘頃又有西渠灌本村地五頃餘宏治正德年間
民閻肅等開年久淤塞萬曆二十五年邑人楚雄府

榆次縣志

卷六

河渠

十三

知府張澤與里人張雲鶴等復開今河碑尚存

秋村渠 在村東南褚志云明萬曆三十二年民李銳
等開引寺峪水灌地後廢 國朝康熙四年民李乘
雲等復開新渠引澗河灌本村地十七頃又村南有
渠名秋村南渠灌本村地五頃及太原市莊地十頃
楊盤渠 在村東北明洪武二年民段世安等開引澗
河水灌本村地四頃今以此渠爲小東渠又有西渠
灌本村地六頃明萬曆三十年開

西榮渠 褚志云在縣西二十里萬曆二十五年民褚
恩等開灌本村及太原溫莊王名地今廢

以上諸渠並引澗河水

小峪口渠 在村南明萬曆三十二年民王朝相等開引寺峪水灌地一頃三十餘畝 國朝雍正間山水漲發湮及鄰村歲築沙堰蔽其口渠遂廢今引灌小渠皆沿河開濬不紀其數

人歡渠 在小峪口村南三里康熙二十三年民陶洪等開引寺峪水灌流村地三十頃後湮塞乾隆十五年民李威等復開

天順渠 在中杜村南康熙五十九年民白綵等開引寺峪水灌地五頃八十四畝

榆次縣志

卷六

河渠

十四

仁義渠 在鳴謙西北乾隆四年民侯維等開引寺峪水灌地二頃餘

沙渠 褚志載在縣西北二十里明嘉靖年民劉廷卿等開引金水河灌地按金水在縣西南此金水誤或云營作清水即寺峪水也今不可考

沙河渠 褚志謂引山水灌中杜都地五十餘畝萬曆三十二年民張天右等開

沙溝村渠 褚志謂引沙河灌地八頃萬曆三十二年民楊志德等開以上二渠無可考今中杜村南有長港渠五十畝渠俱引東溝水灌地東溝即沙河疑即

其舊云

靈濬渠 在王杜村西北雍正九年民賀瑛等開引東
溝水灌地六頃餘

清水渠 在中杜村東南引世佛溝水分二十四程輪
灌地畝

河口渠 在縣西北三十里甄井村北引山水灌地一
頃二十畝開濬年月無考

甄井渠 在縣西北三十里甄井村北褚志稱明萬曆
三十二年民張杰等開一大渠下分爲十小渠引山
水灌地二十一頃今唯存頭二兩渠餘皆無跡頭渠

榆次縣志

卷六

河渠

十五

灌地一頃二十畝二渠灌地二頃三十畝

以上引寺峪東溝諸水

錢志曰榆次爲縣壤土帶淤煨曠常虞故農者渴
水若渴飲焉唐貞觀時孫湛爲令始渠洞渦教民
灌田至宋桑安世復引澗河於是縣田多受灌溉
然考褚志所謂唐渠宋渠皆久不得而識其存最
古者唯王郝渠開自金皇統初若元明之時穿渠
尤眾蓋民利所在類能自興渠事旣興而水有清
水洪水之分使水有限時程日之例至其爲利渠
各不同而澗河所引與洞渦諸渠南北旣分其例

尤別蓋澗河清水無多河流常涸必俟時雨滂沱
山源混發游波所及皆得取水水或經年不下則
東西墟落數十里間渠道雖存並猶枯瀆或川流
盛作激駛悍湍如馬而下者即經渠口奔越不入
雖有強者莫能竭而擅之是以利常易均而爭者
蓋少若洞渦會大小涂源渦其流既廣終歲滔滔
無有止息異竹箭之飛馳同涇泥之膏沃故雖零
雨既霑猶必爭相引漑特其澤既饒而弊亦叢集
奸黠之徒或賣水以市利豪強之族或擅水以自
私上流居偏重之勢餘村以失利爲憂爭端萌起

獄訟滋煩甚至羣聚鬪很毀壩決防雖自明代及
今賢邑宰定程刻石屢俾依守然諸弊終未能禁
絕也且夫渠本利民而反致紛紜欲靖其端將施
何術又各村渠路或有開塞不及數十年每多更
變褚志在明萬厯中列名記籍多至四十渠今間
亦就廢何以俾勿壞而永久也善乎明褚鈇之言
曰宜各渠定爲經制核其田畝均其夫役公其水
程仍擇人經理毋受賂私鬻刻期挑濬毋曠日費
財序次輪灌毋恃強奪利啓閉以時毋淤塞累眾
登報以實毋影占偷奸誠如是則法制一立萬世

永賴爭鬪息而訟獄省張鶴騰之言曰渠有上下田有遠近勻水澍霖誰不紛然待命必先上渠數覆方及卜流至則苗稿矣孰若一上一下遞後遞先陽年先上渠而沿下陰年先下而遡上庶灌溉均而無不公之嘆是二說者或得經常之道或得通變之宜惟心存利民者斟酌其善擇而兼行之則治渠之要盡矣

堤堰附

清晏堤 在王村北接官道南接四渠口西至官道止
乾隆十二年里民建

榆次縣志

卷六

堤堰

十七

演武捍水堤 在演武村明萬厯年建 國朝乾隆十五年增修東起小官橋西接懷仁堤

懷仁捍水堤 在懷仁村明萬厯九年民王廷美等建
國朝道光年胡百里重築

西長壽捍水堤 在西長壽村明萬厯二十五年民彭冕等建後廢 國朝乾隆十五年重建道光年重築

王郝捍水堤 在王郝村明萬厯十五年民郝利等建
東起郝家墳西至馬村堡後圯於水失其故蹟 國

朝乾隆十五年里民復建起泰山廟東西接豐樂堤
豐樂堤 在弓村馬村地乾隆十一年民蕭一良璧羅彥

士等建東接王郝村堤西南至辛村渠口止
史家莊捍水堤二 東疇九曲堤乾隆四十七年築咸
豐元年史五典史瑗重修 西疇九曲堤史貽穀等
築同治二年史琬等增築

嘉平堤 在郝村南乾隆十四年里民建東起嘉平渠
口沿渠爲堤西接太原縣張花村地界

錢志曰洞渦水自樂平西下百五十里土高水下
民不知利亦不知害至榆次縣治東水與土平漸
引而西南數十里民資灌溉渠利斯普然而夏秋
之間大雨時行山水陡發悍流急湍猛不可遏瀕

榆次縣志

卷六

堤堰

十八

河而居者屋廬田畝時被湮沒甚至渠口衝決波
及數十里而遙其害亦豈淺鮮哉考褚志演武懷
仁長壽王郝等村各有捍水堤歲不加修後漸圯
壞近年以來沿河村落苦墊隘悲向隅者數數矣
古之治水者欲資其利必先弭其患是以鉗盧累
石鏡湖築塘曹王皋之修荆南古堤范仲淹陳事
言圩田門閘啓閉以時而旱潦不及凡以堤防之
道不可不亟特賴有司董其成耳余蒞榆後時爲
相度形勢整理堤工廢者修之缺者補之有未備
者拓之而王村扼四渠之要弓村馬村郝村當下

流之衝爰爲督建清晏豐樂嘉平三堤高廣如法
屹然可觀落成之日民不言勞且樂其便雖然水
患不可測也前功不足恃也後之宰斯土者惟常
慮水之足以病民濬河修堰歲定其程毋矯強以
失事毋因循以墮功則有水之利無水之害榆之
民其永獲又安乎

